

112 年全國語文競賽原住民族語朗讀 【鄒語】國小學生組 編號 4 號

evei 'o buhci

conì ci buhci mo toecaefi tomo oengutu ci lai'ong. ptasmomza 'o
lai'ong homo oengutu. mo su'no 'o lai'ong ho isi ptaunga homo **oengutu**,
isicu tutputa to lai'ong 'o buhci tesi akoeva no ana.
at'inghi mo 'ev'ov'ohu **'o** buhci ho m'ea coveoza ho poesih'a.
a'vinano esvutu, no ataveisi tasila eveia. mo tmunoi cocvo 'o lai'ong,
potfanga 'o buhci hocu poesih'a. o'amo nona'o. 'emo maica ci
to'aveoveoyu isi i'mizi no to'usni 'e nsousi ta lai'ong.
ohe tutputa tola leaafou 'o lai'ong ho seopica to peongu to evi. micuc'o
mooteo **ho** tehe opcoza to cou, talui to buhci 'o lai'ong homo tmunoi
moozoyu ho mongsi. isicu usa to buhci ho kantahi 'o teesi ci isi **seo'eisneni**.
micu meelu toekameosu 'o lai'ong.

yainca to buhci, “ne mihnan'a osko potfanga a'o. ta'unana uk'a ci te'o
ake'a tonu no evei suu. tekocu cohivi maitan'e. 'upena 'e moc'o okosi ho
mais'a a'o. 'ateec'o acuhu maezo meelu evei.”

mio a'umtu maica na a'a'ausnasi. 'emo macihi ci cou homo yonta
tiskova, e'vono o'amo totiski 'e **yu'ausna** ta feango, o'amo totiski na tonu,

o'amo totiski nala peelui hioa. o'amo totiski na hia motposu ho
mau'to'tohungu.

at'inghi isi sia ta feango tamo macihi to hamo namo mav'ov'o cila
peelui hioa ho poa titheni ho mito yaansoua ta tiskova, mais'a 'e buhci,
e'vono uk'a tonu 'o feangosi, mo afnaso memelau boecu to teesi ho ko'ko
poa toekameosu 'omo sotasoa ci lai'ong. pantola mayahe homo peayofu,
pantola meemelau **cocapo** to evi, pantola **meemelau** yonto chumu ho
yuuhnguzu, **honcila amaka** titheni nomo umnu ci hi'hioa nala peelui tamo
macihi, mais'a 'e moc'o okosi ci buhci na tela hia ma'to'tohungu, **honci**
seoseolua la tittha koa umnu tamo botngonu ci cou na ito peelui.

老鼠的回報

一隻老鼠從熟睡的獅子身上跑過，獅子被吵醒，一把抓住老鼠，打算吃了牠。當老鼠乞求獅子放了牠，並說將來會報答獅子時，獅子大笑且輕視著放牠離去。

但不久之後，這份感激卻救了一命。在獅子被獵人抓到，並用繩子綁在樹上時，老鼠聽見獅子的哀嚎聲，就跑了過來，咬斷繩索放了獅子。

老鼠說：「前幾天你嘲笑我，因為你不認為我有能力可以回報你的仁慈。現在你應該了解，即使小如老鼠，也能報恩了吧！」

情況真的是這樣，人活在世上，雖然身體狀況不同，能力不同，能做的事情不同。但是，天上的神把各樣的能力放在每一個人的身上，使我們活在世上都可以應用。

就如老鼠，雖然身體小沒有力量，卻很會咬斷繩子，所以可以讓擁有巨大力量的獅子逃跑。有的跑得很快，有的很會爬樹，有的很會游泳，每一個人學會的專長，如同小小的老鼠所想的，在剛好的時機，用自己的專長來幫助他人。